



Trojica uhapšena zbog zločina u Bileći

Pripadnici Državne agencije za istrage i zaštitu (SIPA) uhapsili su jučer Miodraga Grubačića i Iliju Đajića zbog sumnje da su počinili zločin protiv čovječnosti 1992. na području Bileće. Naknadno je uhapšen i osumnjičeni Boris Bošnjak, koji je bio u bijegu. Iz Tužilaštva BiH je saopšteno da su uhapšeni na području Trebinja i Bileće. Oni su osumnjičeni za zločine počinjene nad žrtvama bošnjačke i hrvatske nacionalnosti sa područja Bileće, Nevesinja, Trebinja, Gacka i drugih mjesta. Žrtve su, prema Tužilaštvu, bile nezakonito zatočene u logoru formiranom u okviru kasarne u Bileći. Uhapšeni su osumnjičeni za teška mučenja i zlostavljanja zatočenika. Zbog loših uslova i bez liječničke pomoći, kako navodi Tužilaštvo, četiri osobe su smrtno stradale, a veliki broj žrtava i danas ima posljedice zbog zadobivenih povreda.